

Pappiaqqanik nalilinnik naqissusiinermi akitsuut pillugu Inatsisartut inatsisaata allangortinneqarneranik Inatsisartut inatsisaat nr. 10, 15. november 2007-meersoq (Naqissusiinermut akitsuuserneqanginnissaq)

§ 1

Pappiaqqanik nalilinnik naqissusiinermi akitsuut pillugu Inatsisartut inatsisaanni nr. 8-mi, 31. oktober 1987-imeersumi, ilaatigut Inatsisartut iatsisaatigut nr. 14-ikkut, 30. oktober 1992-imeersukkut kingullermillu Inatsisartut inatsisaatigut nr. 2-kkut, 20. maj 1998-imeersukkut allangortinneqartumi, makku allangortinneqarput:

1. § 9 imatut oqaasertalerneqarpoq:

" § 9. Akitsuuteqartinneqassanngitsut tassaapput:

1) qularnaveeqqusiinermut uppernarsaatit aamma ajunaaruteqartitsinnginnissamut allagartat, Kalaallit Nunaanni inissialiormi ikiorsiissutit pillugit Inatsisartut peqqussutaanni kapitali IV imaluunniit kapitali V, imaluunniit inissialiormut, illuutigisanut ataatsimoorussanut, katitiinnarissanik nammineq illulianut il.il. ikiorsiissutit pillugit Inatsisartut peqqusstaat, naapertorlugu Naalakkersuisunut sananeqarsimasut.

2) pigisamik aalaakkaasumik, Kalaallit Nunaanni inissialiormi ikiorsiissutit pillugit Inatsisartut peqqussutaanni kapitali IV imaluunniit kapitali V, imaluunniit inissialiormut, illuutigisanut ataatsimoorussanut, katitiinnarissanik nammineq illulianut il.il. Inatsisartut peqqusstaat, naapertorlugu Naalakkersuisunut akiitsoqaataasumik, tunisaqarnermi uppernarsaatit,

3) Qularnaveeqqusiinermut uppernarsaatit aamma ajunaaruteqartitsinnginnissamut allagartat, inuutissarsiutinut tapersiinermut Inatsisartut peqqusstaat naapertorlugu inuutissarsiutinut tapersiinermut ataatsimiititaliamut sananeqarsimasut,

4) qularnaveeqqusiinermut uppernarsaatit aammalu pigisanut qularnaveeqqussiissutinik qularnaveeqqusiinermut allagartat, nammineq pigisanut qularnaveeqqusiissutit, inuussutissarsiormut tapersiissutit pillugit Inatsisartut peqqusstaat naapertorlugu inuussutissarsiormut tapersiissutinut ataatsimiititaliamut pisussaaffinnut qularnaveqqutitut taamaallaat atornerqarput,

5) inuutissarsiormut tapersiisarneq pillugu Inatsisartut peqqusstaat naapertorlugu pigisat aalaakkaasut, umiarsuit imaluunniit pialuutit inuutissarsiormut tapersiisarneq ataatsimiititaliamut tunineranni uppernarsaatit.

6) qularnaveeqqusiinermut akiitsunullu uppernarsaatit takornarianut unnuisarfissanik pilersitsinermut aningaasalersuinikkut tapersiissutinut (Unnuisa) aningaasaateqarfimmut, takornariartitsinermik inuussutissarsiuteqarnermut aningaasalersuinikkut taapersiissutit (TAT) pillugit Inatsisartut inatsisaanni kap. 2 naapertorlugu, sananeqartut,

7) qularnaveeqqusiinermut akiitsunullu uppernarsaatit takornariartitsinermik

inuussutissarsiuteqarnermik pilersitsinernut (TAT) aningaasalersuinikkut tapersiissutinut ataatsimiititaliamut, takornariartitsinermik inuussutissarsiuteqarnermut aningaasalersuinikkut taapersiissutit pillugit Inatsisartut inatsisaanni kap. 3 naapertorlugu, sananeqartut,

8) qularnaveeqqusiinermut ajunaaruteqartitsinnginnissamullu uppernarsaatit, aalisarnermik piniarnermillu inuussutissarsiutiillit inuussutissarsiuteqarnerannik siuarsaaneq pillugu Inatsisartut peqqussutaat naapertorlugu Naalakkersuisunut sananeqartut,

9) nammineq pigisamik qularnaveeqqusiussinermut uppernarsaatit kiisalu nammineq pigisanik qularnaveeqqusiussinermut uppernarsaammik qularnaveeqqusiussinermut allagartat, nammineq pigisanik qularnaveeqqusiussineq, aalisarnermik piniarnermillu siuarsaaneq pillugu Inatsisartut peqqussutaat naapertorlugu, Naalakkersuisunut pisussaaffigisanut qularnaveeqqutitut taamaallaat atorineqarpat.

10) qularnaveeqqusiinermut ajunaaruteqartitsinnginnissamulluunniit uppernarsaatit, Nunat Avannarliit Kitaani Avannaani ineriartornermut Aningaasaateqarfiannut sananeqarsimasut, kiisalu nammineq pigisamik qularnaveeqqusiussinermut allagartamik qularnaveeqqusiussinerit, uppernarsaatit Nunat Avannarliit Kitaani Avannaani ineriartornermut aningaasaateqarfimmuut pisussaaffinnut taamaallaat qularnaveeqqusiissutaappata

11) pigisanik aalaakkaasunik, Nunat Avannarliit Kitaani Avannaani ineriartornermut aningaasaateqarfimmuut akiitsoqaataasunik, tunisinermut uppernarsaatit, tunisineq Nunat Avannarliit Kitaani Avannaani ineriartornermut aningaasaateqarfimmuut tassangaluunniit tunisineruppat.

12) Allagartat uppernarsaatit illuutinut tunisinernut tunngasut, aammalu Nunat Avannarlerni Kitaani Avannaani aningaasaateqarfianut akiitsullit, Nunat Avannarlerni Kitaani Avannaani saningaasaateqarfimmuut tunniussisoqarpat.

Imm. 2. Uppernarsaatit imm. 1-imi, nr. 1, 3, 4, 8 aamma 9-mi taagorneqartut pigisassatut qularnaveeqqutitulluunniit Naalakkersuisuunngitsunut imaluunniit inuussutissarsiutinut tapersiissuteqarnermut ataatsimiititaliamuunngitsoq tunineqarpata, uppernarsaatit, imm. 1-imi malittarisassat apeqqutaatinnagit § 5-imi malittarisassat malillugit naqissususigassaapput.

Imm. 3. Uppernarsaatit imm. 1-imi, nr. 6 aamma 7-imi taaneqartut takornarianut unnuisarfissanik pilersitsinernut aningaasalersuinikkut tapersiissutinut (Unnuisa) aningaasaateqarfimmuunngitsoq imaluunniit takornariartitsinermik inuussutissarsiuteqarnermut aningaasalersuinikkut taapersiissutinut (TAT) ataatsimiititaliamuunngitsoq qularnaveeqqutitut tunniunneqarpata, uppernarsaatit, imm. 1-imi malittarisassat apeqqutaatinnagit § 5-imi malittarisassat malillugit naqissuserneqassapput.

Imm. 4. Uppernarsaatit imm. 1-imi nr. 10-mi taaneqartut Nunat Avannarliit Kitaani Avannaani ineriartornermut aningaasaateqarfimmuunngitsoq pigisassatut qularnaveeqqutitulluunniit tunniunneqarpata, imm. 1-imi malittarisassat apeqqutaatinnagit § 5-imi malittarisassat malillugit naqissuserneqassapput."

2. § 11 a imatut oqaasertalerneqarpoq:

"Allagartat, aktiat anpartillu tunngavigalugit ingerlatseqatigiiffiit akornanni kattunnernut taamaattulluunniit agguarneqarnerat pissutigalugu, pilersinneqartut naqissusiinermut akitsuuteqartitaassanngillat, akileraaruserivimmit kattunneq agguarneqarnerluunniit akileraarutaasussaannngitsutut akuerineqarsimappat."

§ 2

Inatsisartut inatsisaat atuutilerpoq ulloq 1. januar 2008.

Namminersornerullutik Oqartussat, ulloq 15. november 2007

Hans Enoksen

/

Aleqa Hammond